



Blochziehen 2004
Sonntag 8. Februar

D'LABRA 2004

Heiterkritische Bemerkungen
von Agnes Schmid
mit Gerhard File

Griaß Gott! Griaß Gott!

Diar fir olla, wall du grad do steasch, gib i d'Hond,
und enk ollna: Griaß Gott, mitanond!
Dassat's sou zahlreich erschiene seid,
ehrt mei Person, mei Wichtigkeit!

Bedaure sehr—gwiss siecht ma miar's va weitem on,
dass i kuan guata Tog heind hon!
A Märchen hon I enk z'derzähla,
zum Reara uas—i kann mi schwar verstellla.
Deis fongt on: Es war einmal...
Es war einmal an bsundra Hear
und ist nicht mehr,
und derzua a schianer,
hoch angesehener Gemeindedianer!

Ausselektiert-- von der Bevölkerung!
Ehrenwert—nit z'alt, nit z'jung!
Verlässlich—an Verantwortung hot er schwar z'troga,
weart in der gonz Gmua umcha g'joga.
Ortskundig—va Oachholz bis Niedergollmigg!
Ear muaß finda zu gor a jedm Haus,
sinsch kama dia dauða, dia dinna da Wosser-und Kanalgebühra aus!
Umgängli—jo schießfreindli nou derzua,
sinsch haut ma ihm d'Tir grad voar der Nosa zua!
Rhetorisch geschult—Weil mit'm Verতোala va Lischta und Zohlungsscheina,
lott sich a Ratscherli guat vereina!
Gwiss wohr, manchna Leit kann ma mit da Nuiigkeita
mia Freid als mit da Zohlschei'r bereita!
Selbstverständlich— Olls sehr diskret,
weil jo niamat nit weiter seit!
Dersporat mar, nou weiter auszuschweifa,
iatz wearat's wohl oll gach begreifa:
Dear guate Monn, jo dear wor i!
Und die nui Gemeindeverwolti mocht mi hi!
Hobat's decht salber gleist im letschta „Fließ aktuell“:
Das Gemeindeamt Fließ wird in Zukunft virtuell!
www.bürgerportal.at
auf guat deitsch- Gemeindediener ade!!
Na, mi wearts bold numma geiba.
Ober dia weara schua seicha! Dia weara iaran Toal derleiba!
Wear sell, wos wirkli aktuell isch, weitersoga?
Nuit, rein nuit mia weara d'Leit derfroga!
Und wos bleibt, isch a Bildungslucka!
Sowiesou, und dia hot iara Tücka!

MO	DI	MI	DO	FR	SA	SO
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	



D'
L
A
B
R
A
2
0
0
4

2004

JÄNNER



Ua Beispiel kann i grad aus´m Ärmel schittla:
 A gwisses Wissa muaß ma holt da Leit vermittla!
 Hond auf´s Hearz, wear woäß, wos hot deis z´bedeita,
 wenn im Wold irgatwou blau g´strichna Holzpflock in a Richti leita?
 Aha! Ochslaschupfa durch die Menge geat!
 Der Woldaufseicher ischas, dear darvon mia versteat!
 Ear hot mit der blaua Forb signalisiert:
 Do weart an Weig icha g´schouba und hot dia Trasse blau markiert!
 Und sou geat´s weiter:
 Am Wochenend—do trifft sich´s sou,
 a feiner Hear—uar vom Büro-,
 will a g´sunda Woldluft schnoppa,
 und neibabei noch Schwammla toppa.
 Ober Stuapilz und Gealschwammla sei wotta rar,
 es schaut sou aus, als ob do schua eppar gweisa war!
 Darbei rennt dear Fliaßer Monn,
 gonz zuafälli on dia blaua Pfoschta dron!
 Ihm steigt der Komm, und wuatentbronn,
 reißt ear sa aus mit storker Hond!
 Wirft sa weit im Wold umadum:
 „Jo holta dia ins fir sou dumm?
 Dia Italiener sei raffinert, hoba glott iara Schwammlaplatz markiert!
 Eis Tschingalar, hobat´s vino, sole, mare,
 dia poor Schwammla do in Fliaß—dia sei inser Ware!“
 Glei drauf derzählt er im Förschter voller Luscht,
 stolz auf sei Tat und mit g´schwellter Bruscht:
 „Deina hon i s´Hondwerk g´leit!“
 Der Woldaufseicher schmeizlat, wos muanat´s, wos hot dear wohl gseit?



D'
L
A
B
R
A
2
0
0
4

MO	DI	MI	DO	FR	SA	SO
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29

2004

FEBRUAR



www.buergerportal! Lossat´s sa lei tonza, dia Computermaus,
 für jeda zwischenmenschliche Kommunikation bedeitat deis das Aus!
 Deis isch ou gonz im Sinn,
 va deara maßgeblicha Oachholzer Bäuerin!
 Dia mog ou it voar´m Computer hocka,
 und seit zur Schwägerin: „Heind gia mar Granta brocka!“
 Eis isch zwor huira kua ausg´sprach´nes Grantajohr,
 ober dett oub Gouglas finda sie a poor!
 Ob sie finda ouder kuana,
 longweili hoba sie´s gwiss it, sall tat i muana!
 Grantna, grantna, sall isch olli schia,
 bis sie, wia d´Sunna untergeat, wieder am Beargbouda bam Auto stia!
 Dr´Autoschlissl!Dr´Autoschlissl!
 Sie wialt in olla Kittlsäck,
 dr´Autoschlissl, dear isch weck!
 Sou verzua kinnt iara in Sinn,
 dear isch sicher nou im Rucksock drin!
 Und dr´Rucksock? Jessas Gott,
 dein hoba sie dett, wou sie g´hockt sei, liega glott!
 Und g´hockt sei sie wotta long,
 oub Gouglas dett—im Grantahong!

Va Hearza kennat´s eis heind iber dia Grantnar locha,
 wall i olls woäß! Wenn i numma bin, jo wos tiat´s nocha?



D'
L
A
B
R
A
2
0
0
4

MO	DI	MI	DO	FR	SA	SO
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

2004

MÄRZ

Zum Bürgerportal.at: Formulare ausfüllen- ein Kinderspiel !?
 Deis gloub grod, wear will!
 Amea wor der Kropf die Volkskronkheit,
 und i sog enk, dass es ob iatz bold nu nou Stielouga geit!
 Bin g´wiss it uar, dearFliach ausspricht,
 na, zu deina kear i wirkli nicht!
 Vos hon i grod huira fir a Gaudi g´hett,
 wia im Recyclinghof an Beargbaur hot a Fuader guat´s Fuatter aug´leit!
 Jo, huira! Wou in olla Wiesa- Pilla,
 nuit mia drin war außer Engerling und Grilla,
 kann dear do dunta an gonza Lodewoga filla!
 Zohlt derfir it an uanziga Cent,
 ond´ra hoba fir´s Ha huira Apothekerpreise brennt!
 Und iatz frogat´s eis:
 „Wia geit´s denn deis?“
 In Strons dunta kann ma da Türga it grod schneida, wenn ma will,
 do isch ´Höhere Gewalt´ im Spiel:
 Nu zu g´wissa Zeita galtat s´Zuafohrtsrecht
 Au wea, deis passt fir´n huiriga Summer schlecht!
 Mit dear briatiga Sunna reift dear Türga viel z´fria,
 und´s Gatterli will off it gia.
 Do braucht´s a Zauberwoart und an Schlissl,
 ouder liega dia Rechter eppa ou schua in Brüssel?
 Und sou louft dia Zeit darvon,
 und wia dr´Gatter schliaßli off isch, hot der Baur´ an tiafa Schnaufer tou,
 „Iatz isch dear Türga eh´schua hi,
 will nuit mia seicha, ob mit dem Zuig, ocha in die Deponie!“
 Jo, wenn sich zwoa streita,
 ouder stott reida lei mia deita,
 do moch´sch manchmol eppas mit,
 und locha tuat schua long der Dritt!



D'
L
A
B
R
A
2
0
0
4

MO	DI	MI	DO	FR	SA	SO
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

2004

APRIL



Bürgerportal—Service am Bürger rund um die Uhr!
 Do sog' i stur, deis koschtat mi an Locher nur!
 Mir scheint's von immenser Wichtigkeit,
 dass der persönliche, der hautnohe Kontakt erholta bleibt!
 I pfeif' auf Computer und Internet,
 oulder gloubat's , dass dett eppas iber's Mause steat?

Auf dem Gebiet geit's oft dramatische Szeina,
 uana mecht i grad schnell derweina!
 Do hot uar a Maus im Zimmer g'hett,
 obwohl- er schloft eh'nu selta in sei'm Bett.
 Va Zeit zu Zeit trifft's decht amol zua,
 und ausgerechnet dett geit dia Maus kua Ruah!
 Sie gitzlat in sei'r Nosa, in seina Braua,
 will in sei'm Horschopf gor a Neschtli baua.
 Do steigt sie auf dem Bursch, die Golla,
 „Wart, dear Matz stell i a Folla“
 It, dass eppas Schrecklich's passiert iatz war,
 Na, z'moargat's wor dia Folla laar!
 Jeda Nocht deis selbe Spiel,
 deis weart im zohmschta Mannat's z'viel!
 Ear probiart's mit Kas stott mit dem Bröckla Speck,
 dear isch ou z'moargat's sauber weck.
 Wos kinnt, deis isch kaum zam Fossa,
 s'Mäusli piepst: „Weg dem Maul voll Kas sett i mei Leiba lossa?“
 Drauf fohrt dear Bursch auf Londeck schnell:
 „Hattat's va dear Maustroppla it a greaßer's Modell?“
 Und es kinnt, wia's keima sett,
 kaum isch dear Mensch im Bett:
 „Tschagg“!
 Sei'm Hamschterla!!!! isch brocha s'Gnagg!
 Auf dein Fall hin hoba sie miaßa deis Tiarschutzg'setz nui verfossa,
 dia **Kia muaß** ma iatz- ober d'**Hamschterla derf** ma numma frei umcha springa
 lossa!




D'
L
A
B
R
A
2
0
0
4

2004
MAI

MO	DI	MI	DO	FR	SA	SO
					1	2
3	4	5	6	7	8	9
10	11	12	13	14	15	16
17	18	18	20	21	22	23
24	25	26	27	28	29	30
31						

Bürgerportal! Bittschia tiat´s zar Kenntnis neima,
 dia Meldung, ob dia woll recht und it verkeart onkeima?
 Varkeart, verkeart?

Do honn i decht ou eppas derheart:
 Bam Fliäßer Schiklub-und bam Engelbert Geiger-Renna,
 do treffa sich am Start lei dia, wos wirkli auf da Schi stia kenna
 Uan Schilear zum Beispiel, geprüft, mit Rong und Eahra,
 mecht ou amol earschter weara!
 G´waxlat, g´schliffa, deis hot er ausgiebig tou,
 und bei Gott- gonz gwiss fahlt´s ou it on der Kondition.
 Z´moargat´s mocht ear 30,40 Liegastütz-,
 tatsch muana- fir an Plotz am Stockerla fahlt do nix!
 Ober dear Schilear denkt sich: „Nicht genug!
 I leich mar aus an Rennonzug!
 Wall mit´ma rechta G´wond,
 minimiert sich der Luftwiderstond!
 Und i konn punkta mit Hundertstel-Sekunda,
 grod dia sei mar bis iatz olla Mol entschwunda!“
 Schließli steat er perfekt adjustiert va unta bis ouba
 erwartungsvoll im Starthäusla douba!
 „Drei, zwo, eins, los!“ Wia sich dia Torstonga biaga!
 Jo eigatli hat er miaßa da earschta Preis kriaga,
 Er fohrt in Zielhong, deis isch enorm,
 dia Schilear, dia sei hold in Form!
 Verfluacht! Der Onzug! Dear wachtlat , deis frisst dem Monn d´Nerva und sei Ruah,
 Jo, he! Hot dear da Reißverschluss voarna? Dear g´heart decht hinta zua!
 Verkeart steckt dear mit´m Orsch in der Housa drin,
 und der Siegerpokal isch schua wieder dahin!



D'
 L
 A
 B
 R
 A
 2
 0
 0
 4

MO	DI	MI	DO	FR	SA	SO
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

2004

JUNI



Geig mi hot dear Schilear lei kluana Soarga,
 wall miar geat´s um´s In´gmocht va heind aud moarga!
 Ouder—konn i nou flüchta in die Pension?
 S´ Flieaßer Fasnachtskomitee hot schliabli schua a longa Tradition!
 Jedenfolls, d´ Hexa und der Bajazzl va da earschta Stunda,
 hoba sich schua längscht im wohlverdianta Ruhestond z´recht funda!
 Mit Ausnouma! Uan Bajazzl, längst A,D.,
 hupft bam Pyjamaball auf dia Theke aucha- ocha- ohne Schmääh,
 Heind nou der bescht – Sall war decht ou g´locht
 und hot glei nou a poor Purzagagl g´mocht.
 Z´lescht natirli bedaura sie den Kerl oll,
 wia ear londat im Spitol-
 „O, du guater Mensch, bedenk!
 ewig hebt kua Sprunggelenk!“

www.buergerportal! Mit Sicherheitsstufe und Verschlüsselung von 4096 bite,
 jo, sou kriagsch g´wiss nuit mia z´heara va da Leit!
 Grod dia G´schichta sei decht sou intressant,
 Vos muanat´s, vos i oll´s derzeila kann!
 Wissat´s deis schua? Dunta in der Fliaßerau,
 regt sich a Dame iber d´Autoföhrer au:
 Deis sei decht die greaschte Sauerei,
 dass iatz za dem geplanta Bordell ou nou a Rennbohn im Keima sei!
 Wie recht sie hot!
 Schnell greift do in der Stoot!
 Do dunta zwischa deina dicka Hecka,
 lott sich´s Radar souviel guat verstecka.
 Und iatz keima sie, dia Raudi,
 fir die „Bullizei“ die reinschte Gaudi!
 Sigsch, wia sie roasa, auf und nieder!
 Do schaug hea, iatz blitz´ts schua wieder!
 Auwea, auwea!
 Ba da earschta, wou´s blitzt und dia außarucka mit´m Gald,
 isch dia guate Missis salt!
 Jojo, bold trifft´s den und bold die uana,
 ouna Fehler geit´s hold wirkli kuana!



D'
L
A
B
R
A
2
0
0
4

MO	DI	MI	DO	FR	SA	SO
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

2004

JULI



Hobat's g'heart va dem Häuslabauer,
deis isch wohl a gonz a Schlauer!
In erstaunlich kurzer Zeit,
steat sein Bungalow schua zum Einzug bereit.
Eines Tages streikt der Wosserhohn,
tatsch muana, *er hat's gor it dertou:*
In Kundanent isch an Bagger schua derbei,
und leit dia Wosserleitung frei
Als Installateur hat der Bauhear zwor olls guat bedocht,
trotzdem kann'ts jo sei, dass ear an Fehler hot g'mocht!

Am Obat nocha im Familienkroas,
sei Bruaderhearz z'berichta woab:
Am Nomittog heia die Gemeindeleit,
deis Wosser in gonz Fließ abg'sperrt fir kurza Zeit.
In der Konzlei hatta sie Auskunft geiba,
nocha hatt ma it braucht d' Eard ausheiba.
Wear denkt schua on olls? Sou ischas eiba!

Übrigens, wenn eh' olls virtuell passiert,
warum weara die *Kjah eigatli nou zar Versteigerung auf Imscht och a g'fiart?*
Kuan Mensch kann sich in Zukunft nou amüsiara,
iber hetziga Socha, dia derbei passiar!
Voter und Bua va der Neaderseite,
wella iar Kua verkoufa, es sei jo mogera Zeita.
Stolz fiart dr' Jungbaur sei Viech in Ring.
Dear Preis muaß passa! Deis Angebot isch ja viel z'gering!
Dr' Oltbaur hockt ba da Käufer dett,
und hot stromm sei Tafali aug'hebt!
Sou hot ear da Preis toll aucha trieba,
zum Earschta, zum Zwoata,-- bis am die Kuah isch salber blieba!
Am Obat gia sie friedli im Niedergollmigg zua,
der Oltbaur, sei Bua und die oaga Kuah!



D'
L
A
B
R
A
2
0
0
4

MO	DI	MI	DO	FR	SA	SO
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

2004

AUGUST



I sog enk, bei sou mancher G'schicht,
 kannt ma die Händ grod schloga voar's Gesicht.
 Voars Gsicht war ja nou recht,
 ober weiter ocha geat's hold ziemli schlecht:
 Lott enk derzeila va deara rechtschoffana Hoachgollmigger Frau,
 sie nimmt's mit da 10 Gebote wohl genau.
 Sou muaß sie an Nockata bekleida,
 dear isch gonz gwiss it zam Beneida!
 Im Ha-Pilla bringt er d'Nocht heind zua,
 freili, nit grod gonz allua!

Geiga Moargat's wiaht ear da holba Hastock um,
 kua Hemd, kua Housa isch mia umadam.
 Ear findet kua Feigablott, drum hott ear s'Suacha glott,
 bindet an Rupfasock um seina Lenda,
 dia guat Frau siecht'n und tuatám a On'gleig spenda.
 Passiert isch dies Malheur
 bam Hoachgollmigger Fescht- nou it long her!
 Dear ouder dia deis G'wond fort hoba, sett sich melda auf der Stell,
 sinsch geat's auf's G'richt, jo deis hot's schnell!



D'
L
A
B
R
A
2
0
0
4

MO	DI	MI	DO	FR	SA	SO
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

2004

SEPTEMBER



Nou amol bin i bam Gemeindeomt,
dett ischas wohl schua amtsbekonnt,
dass ba dear Sitzung zum Jahresabschluss,
dr´ Vize-Bürgermeister seines Amtes walten muss!

Ober, dass dear Beschluss va deina Hears,
wirkli einstimmig g´fosst kann weara,
isch 100% Anwesenheitspflicht:

D´ Sessel sei oll b´setzt— körperlich sei olla do- ober geistig nicht!

Do hockt nämlich uan Gemeinderot,
dear schua die gonze Zeit friedli g´schnarchlat hot.

Und stat, um dein Monn nit z´derschrecka,
tuat ihn der Vize-Bürgermuaschter wecka:

An Rofflar, schua isch olls bereit,
und im Sool herrscht traute Einigkeit



Gwiss wohr, i bin schua da sporsomara Leit begeignat
Va Glick kann´sch reida, warsch´mit ama sou a Frauala g´seignat,
deis iar Auto ouna Gong und Bremskontrolla,
lott iber d´Gossa zam Mühlboch zuacha rolla.

Ament hot sie´s dett wascha wella,
dia Wossergebühra sei jo viel z´hoach, wos sie iara stella!

Eis geit hold decht nou schiana Socha,
dia mi in mei´m Hearz-Schmearz bringa zam Locha!



D´

L

A

B

R

A

2

0

0

4

MO	DI	MI	DO	FR	SA	SO
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

2004

OKTOBER



Nuit fir Unguat! I bin ziemli ausfiarli gwoara!
 Fix isch: Auf´s Bürgerportal hon i an Zoara!
 Deis Nuimodische , dear Fortschritt lott sich it auheiba im Doarf,
 isch wia an Tuifl, dein heib i z´rugg solong i kann bam Schwoaf !

Miar kinnt hold viel za´n Oara,
 viel isch nui, ober it olls besser g´woara,
 drum mecht i nou a bissli nochaboara,
 und froga: „Wos hot dia Fosnocht do im Eal verloara?“

Bis iatz wor dear Bloch und s´gonz Spektakel umadum,
 beheimatet im Dorfzentrum.
 Deis wor, sou souga d´olta Leit,
 schua olli sou, seit´s dia Fosnocht geit!

Vam Spritzahaus bis zam Reidermochar´s Stoll,
 hott sich´s abspielt dazumol,
 bis a nuis Gebäude bringt auf amol,
 dia Tradition abrupt zu Foll:

Aus Beton, vam Kaller bis zam Doch,
 sou schwar, do weart die stärkste Schalung schwoch,
 mit gonz viel Glos, und sou transparent,
 dass ma breit´s kua Tir it derkennt,
 und sich pfeilzagrod da Kopf onrennt!
 Im Kaller hot va da Römer an riesiga Schotz,
 ober ums gonz Gebäude kaum a Auto Plotz!
 Im Cafe hot ´ma bam Plana und bam Messa,
 glott an Logerraum vergessa.
 Und wenn Nochsuhb kinnt va da Lieferanta,
 nocha steat garantiert an Auto voar der Laderampa!
 An weita Weig ischas auf´s WC,
 deis isch ehrli wohr kuan Schmah,
 drum tia mancha Manderleit bam Brunza,
 sämtliche Maura rund ums DOZ verhunza!
 Ou fir a Jugendzentrum hot ma fleißi investiert,
 lei weart deis wotta spärlich frequentiert,
 mei, a sou a kluana Koumer mit Aufsicht isch hold numma steil,
 die heindi Jugend braucht olls „krass“ und „megaaffengeil!“

D'

L

A

B

R

A

2

0

0

4

2004

NOVEMBER

MO	DI	MI	DO	FR	SA	SO
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				



Freili, dia im Doarf sei sicher froa,
 wenn sie nuit mia heara va dem G'schroa!
 Ba deine Feschter geat's schua laut gnuag zua,
 und jeder wimscht sich ou sei Ruah.
 Trotzdem : A sou a Fesch g'heart icha in Plotz,
 wos es wegt, deis hot's.
 Deshalb meine Bitte:
 Treff mar ins wieder in der Mitte!

Foscht hatt i's vergessa:
 Wenn iatz noch Gemeindeg-Wohla onschtia,
 tiatz mar jo ga wäfla gía!
 Und mochat's auf der Lishta ouba ouder unta nou a Kreizli hi,
 fir'n Gemeindedianer, jo, fir mi!

... Ouder decht g'scheider it: Sinsch muant der Gemeinderot,
 dass mi der Sensemomn schua unter d'Eard brocht hot.

Kua Ongscht, mit miar geatz it sou gach,
 wall an olta Gemeindedianer 'dear isch wotta zach!

Do siech i grod, dass an mords Stoaß Kalender zam Vertoala war,
 höschta Zeit, miar hoba heind decht schua ---- da ochtata Februar

D'LABRA 2004
 von Agnes Schmid
 mit Gerhard File

Für den Inhalt Verantwortlich der Fasnachtverein Fliess

D'
L
A
B
R
A
A
2
0
0
4

2004

DEZEMBER

MO	DI	MI	DO	FR	SA	SO
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		